



**C**Vnuualdus ille Gallorum & Germanorum rex fortissimus fuit. Itaq; Boij Insulares eū in auxilium contra Romanos uocarunt, anno mūdi circiter 374 . Is itaq; cum Ernesto duce maximas copias ex suis collegit, & cum Viridomaro Boiorum principe Tusciam ingressus, omnia longè lateq; populatus est. Id cum Romæ annūtiatum esset, magna trepidatio urbē inuasit. Itaq; primò deos humanis sacrificijs placare statuerant, atq; pontificum iussu Gallum uirum cum duabus mulieribus in foro Boario uiuos defoderūt. Postea ex omnibus locis militem collegerunt, atq; duce Aemilio & Attilio consulibus hosti obuiam processerunt.

Tum quidem aliquoties uario Marte pugnatum est, atq; Cunualdi uirtute Galli cū fœderatis primò egregiè uicerūt. In ea etiā pugna Attilius alter consulum occisus est. Cum autem Cunualdus suaderet, ut uictoria illa parta exercitus sese ad tutiora loca reciperet, atq; consilium illud negligenter, Romani uiribus undiq; auctis tandem superiores euaserunt. Orof. lib. 4. cap. 13.